



27 Ogos 2025  
27 August 2025  
P.U. (B) 319

# WARTA KERAJAAN PERSEKUTUAN

## *FEDERAL GOVERNMENT GAZETTE*

### FATWA DI BAWAH SEKSYEN 34

### *FATWA UNDER SECTION 34*

DISIARKAN OLEH/  
PUBLISHED BY  
JABATAN PEGUAM NEGARA/  
ATTORNEY GENERAL'S CHAMBERS

AKTA PENTADBIRAN UNDANG-UNDANG ISLAM  
(WILAYAH-WILAYAH PERSEKUTUAN) 1993

FATWA DI BAWAH SEKSYEN 34

MENURUT subseksyen 34(1) Akta Pentadbiran Undang-Undang Islam (Wilayah-Wilayah Persekutuan) 1993 [*Akta 505*], Mufti, setelah berbincang dengan Jawatankuasa Perundingan Hukum Syarak menurut subseksyen 37(5) Akta, membuat fatwa sebagaimana yang dinyatakan dalam Jadual.

ADMINISTRATION OF ISLAMIC LAW  
(FEDERAL TERRITORIES) ACT 1993

*FATWA UNDER SECTION 34*

PURSUANT to subsection 34(1) of the Administration of Islamic Law (Federal Territories) Act 1993 [*Act 505*], the Mufti, after having discussed with the Islamic Legal Consultative Committee pursuant to subsection 37(5) of the Act, makes the *fatwa* as set out in the Schedule.

*JADUAL/SCHEDULE*

FATWA BERKENAAN DENGAN FAHAMAN, AJARAN, PEGANGAN ATAU AMALAN YANG  
DIBAWA OLEH PEMIMPIN, PENGIKUT ATAU PEKERJA GISB HOLDINGS SDN. BHD.

Mesyuarat Jawatankuasa Perundingan Hukum Syarak Wilayah Persekutuan Kali Ke-147 yang bersidang pada 15 November 2024 telah membincangkan perkara berkenaan dengan fahaman, ajaran, pegangan atau amalan yang dibawa oleh pemimpin, pengikut atau pekerja GISB Holdings Sdn. Bhd.. Fatwanya adalah seperti yang berikut:

1. Fahaman, ajaran, pegangan atau amalan yang dibawa oleh pemimpin, pengikut atau pekerja GISB Holdings Sdn. Bhd. dan rangkaian syarikat gabungannya adalah sesat

dan menyeleweng daripada ajaran Islam yang berlandaskan pegangan Ahli Sunnah Wal Jamaah. Ciri-ciri penyelewengannya termasuklah—

- (a) mengamalkan *Aurad Muhammadiyah* atau zikir agung pimpinan Haji Ashaari bin Muhammad yang telah difatwakan mengandungi ajaran dan fahaman yang bertentangan dengan akidah dan syariah Islamiah serta mengelirukan masyarakat Islam sebagaimana dalam pemberitahuan Fatwa di bawah Seksyen 41 [P.U. (B) 640/1988] yang disiarkan dalam *Warta* pada 1 Disember 1988 dan menyeleweng daripada ajaran Islam sebagaimana dalam pemberitahuan Fatwa di bawah Seksyen 34 [P.U. (B) 212/2007] yang disiarkan dalam *Warta* pada 31 Mei 2007;
- (b) mendakwa bahawa Syeikh Muhammad al-Suhaimi sebagai Imam Mahdi;
- (c) mendakwa bahawa Haji Ashaari bin Muhammad akan muncul bersama Syeikh Muhammad al-Suhaimi sebagai pembantunya di akhir zaman;
- (d) mendakwa bahawa Haji Ashaari bin Muhammad boleh memberi syafaat kepada pengikutnya;
- (e) mendakwa bahawa air basuhan anggota badan pemimpin dan air rendaman seperti rambut dan janggut pemimpin mempunyai berkat; dan
- (f) mengeksploitasi ekonomi *ma'ash* (saraan atau keperluan hidup) dengan menerapkan unsur perhambaan golongan bawahan, kanak-kanak dan wanita.

2. Mana-mana orang dilarang berpegang pada, mempercayai, menyebarkan atau mengamalkan fahaman, ajaran, pegangan atau amalan yang dibawa oleh pemimpin, pengikut atau pekerja GISB Holdings Sdn. Bhd. sebagaimana yang dinyatakan dalam butiran 1. Mana-mana orang yang melakukan perkara sedemikian hendaklah bertaubat.

3. Tiada seorang pun boleh memiliki, menyebarkan, mengedarkan, memuat naik, memuat turun, menggantungkan atau menerbitkan apa-apa poster, buku, majalah, risalah atau apa-apa bacaan lain sama ada dicetak, ditaip, ditulis tangan atau dikeluarkan dalam apa-apa bentuk keluaran atau ulangannya, termasuklah filem, audio visual, rakaman laman sesawang, media cetak atau media elektronik yang mengandungi ciri-ciri ajaran sebagaimana yang dinyatakan dalam butiran 1.

4. Tiada seorang pun boleh bersubahat dalam melakukan mana-mana perkara yang dilarang dalam butiran 2 dan 3.

Bertarikh 16 Julai 2025

*Dated 16 July 2025*

[PMWP/100/20 Klt. 6; PN(PU2)530/JLD.18]

AHMAD FAUWAZ BIN ALI @ FADZIL  
*Mufti Wilayah-Wilayah Persekutuan/  
Mufti for the Federal Territories*